

Guangjisi Minzcu Bau

ganhhau: CN45-0036 B.2018 Nd.2 Ng.7 liggaueq dingyoux nienz ndwenlab ngeihngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3311期

Aen Hoih Hong Daengx Gih Minzcunghvej Minzyijvej Hidungj Youq Namzningz Hai

全区民宗委民语委系统工作会议在南宁召开

Bonjbauq siusik(gicej Cau Dwzfeih) Ndwen 2 ngoenz 3 banhaet, Aen Hoih Hong Daengx Gih Minzcunghvej Minzyijvej Hidungj youq Namzningz hai, aen hoih cienzlwnh hagsib gvancez gij cingsaenz Cibgouj Daih dangj caeuq gij cingsaenz aen hoih daengx guet minzvej cujyin, aen hoih daengx guet cunghgyau gizcangj, cunjgez dauqyawj hong minzcuz cunghgyau, vah saw minzcuz daengx gih bi 2017, yenzgiu anbaiz hong bi 2018. Swcigih Minzcunghvej, Minzyijvej dangcuj suhgi, cujyin Hoz Cauzgen guh gij baugau guhhong.

Hoz Cauzgen ceijok, bi 2017 daengx gih minzcunghvej, minzyijvej hidungj haeujlaeg hagsib gvancez Siz Ginbingz seizdaih moq Cungguk daegsaek sevei cujyi swhsiengj caeuq gij gezcwz anbaiz hungnaek Cunghyangh mizgven hong minzcuz cunghgyau haenx, gaenjdaet hopheux laebdaeb doidoengh gvancez doeksaed gij cingsaenz aen hoih hong minzcuz Cunghyangh caeuq aen hoih hong cunghgyau daengx guet diuz cawjsienq neix, gaem ndei hagsib senhconz gvancez gij cingsaenz Cibgouj Daih dangj, ciuq gij anbaiz guhhong Swcigih Daih Cib'it Baez Dangidaivei, doed ok cundengj, yungh diemj daiq mienh, laebdaeb doicaenh hwnjguh diegguhyiengh minzcuz doxgiet cinbu, guenhciiz gij leixniemh hong cunghgyau "baujhoh, guenleix, sonyinx, fugsah" haenx, mboujduenh daezsang hong minzcuz cunghgyau fapceihvaq suijbingz, henhoh le gij gizmen ndei daengx gih minzcuz doxgiet, cunghgyau huzndei, henzguk onjmaenh caeuq ndawbiengz onjdingh.

Hoz Cauzgen giengzdih, bi 2018 dwg bi hainduj cienzmienh gvancez doeksaed gij cingsaenz Cibgouj Daih dangj, dwg bi ceiq youqgaenj duenh dwkhangz cienzmienh guhbaenz ndawbiengz siujgangh, dwg guet raeuz gajigwz hailangh 40 hopbi, dwg Guengjsae



Bouxcuengh Swcigih laebbaenz 60 hopbi. Aeu yaengx sang mbawgeiz hungmbwk yiengh seveicujyi miz daegsaek Cungguk, nyinhcaen gvancez gij cingsaenz Cibgouj Daih dangj, yungh Siz Ginbingz seizdaih moq Cungguk daegsaek sevei cujyi swhsiengj guh sonyinx, gaenjdaet hopheux "haj vih daej ndeu" daengxbuenz baijbouh caeuq "seiq aen cienzmienh" canloz baijbouh, yungh haeujlaeg doeksaed gij cingsaenz aen hoih hong minzcuz Cunghyangh caeuq aen hoih hong cunghgyau daengx guet guh cawjsienq, caenh'itbough gyamaenh caeuq hwnghat gij gvanhaeh minzcuz seveicujyi bingzdaengj doxgiet doxbang huzndei neix, roengzrengz doicaenh hong cunghgyau aeundaej cinbu moq. Yungh yienghsiengq moq hainduj duenh loh moq, yungh dangguh moq raiz seizdaih moq hong minzcuz cunghgyau Guengjsae bien-cieng moq, yungh cingzcik ndei angqcoux gajigwz hailangh 40 hopbi caeuq swcigih laebbaenz 60 hopbi.

Hoz Cauzgen iugouz, bineix gij yinvu guhhong cujyau couhwdg haeujlaeg hagsib senhconz gvancez gij cingsaenz Cibgouj Daih dangj,

caenh'itbough daezswng cienzmienh daj yiemz guenj dangj suijbingz; doed ok gij yinvu ceiq youqgaenj, haenq-rengz doicaenh hong caepcawq aen hozdung angqhoh swcigih laebbaenz 60 hopbi; geiqmaenh gij cizcwz ceiq youqgaenj, laebdaeb doicaenh hwnjguh diegguhyiengh minzcuz doxgiet cinbu; haeujlaeg hengzguh hong minzcuz "cibsam haj" gviveh, bang-rengz hwnghat diegcomzyouq minzcuz vunznoix; doidoengh minzcuz vwnzva gyauyuz saehnieb cangqheiq hwnghat, cauhyu aen gyaranz cingsaenz Cunghvaz minzcuz caemh miz; cienzmienh hengzguh 《Diuzlaeh Hongsaeh Cunghgyau》 coihdingh moq haenx, netsaed haiguh hong cunghgyau; haeujlaeg hagsib gvancez gij cingsaenz aen hoih geiqniemh Gozvuyen baecinj 《Fung'anq Sawcuengh》 caeuq biujcieng senhcin hong vah saw minzcuz vunznoix Guengjsae, onjyamq doicaenh hong saw vah minzcuz vunznoix; laebndei diji gihci, cuksaed gij giekdaej hong minzcuz cunghgyau; gaenjgaenj hopheux gij iugouz hingzseiq moq yinvu moq, caenh'itbough gyagiengz hong minzcuz yenzgiu, sawgaeuq, oksaw, gyauyuz.

SIUSIK DINJ

简讯

● Ndwen 1 ngoenz 28, Sanhgyangh Duncuz Swciyen Bazgyangh Cin Bazdouj Cunh Mbanjcunghcauz, gyoengq beixnuengx Duncuz ndang daenj buhvaq minzcuz moqsag gyauget, youq gwnz aen daizheiq ngamq laeb moq, yungh dohyeh, aenvenz caijdangz, gwn ngaizbakranz daengj fuengsik, angqcoux ciengmoq daeujdaengz.

(Gungh Bujgangh)

● Bi 2017 doxdaeuj, Denzlinz Yen dawz canjnieb oijdangz dangguh gij canloz cundengj daengx yienh ginghci hwnghat caeuq gij canjnieb youqgaenj vut gungz gunggeng, onjyamq doicaenh canjnieb oijdangz hwnghat. Bi 2017 ndaem moq mienhcik 67924.868 moux, ciemq 169.81% cunjyinvu, ndawde fanndaem mienhcik 17577.86 moux, lai ndaem mienhcik 50347.007 moux, goekoiy gaeuq 9.48 fanh moux, seizneix daengx yienh ndaem oij mienhcik daengz 14.04 fanh moux.

(Yenj Cinbyauh)

● Ndwen 1 ngoenz 26, Lozcwnghz Mulaujcu Swciyen cungh siuj hagdangz hainduj cuengq gyajseiznit, bouxswnjcienz feihyiz raedcej Mulaujcu Loz Vazcingh daiq lwgsae de, bae daengz Lozcwnghz Swbaj Cin Siujyinj Cunh, dawz dinfwnghz raedcej cienz hawj gyoengq lwnyeiz ndaw mbanj, hawj gyoengq lwnyeiz angqyangz hainduj gvaq ndwenngoenz gyajseiznit.

(Gauh Dunghfungh)

● Bi 2017 doxdaeuj, Nazboh Yen gig yawjnaek gaem ndei hong hwnjguh ginghci ndaw ndoeng, aeundaej cingzcik ndei. Ciuq Nazboh Linzyezgiz gyoepsuenq, daengz bi 2017 ndwen 12 daej, aen yienh neix guhsat ginghci ndaw ndoeng mienhcik 98.5 fanh moux, cunjcanjciz 24410 fanh maenz.

(Lij Cwngyen)

Hong Hoizguh Bouh Daeuz Denyingj Vahmulauj Cingq Miz Bouhloh Haiguh

首部仫佬语电影译制工作正有序进行

Mboengqneix, hong hoizguh bouh daeuz denyingj Vahmulauj Lozcwnghz youz Lozcwnghz Mulaujcu Swciyen Minzyijgiz, Vwnz Gvangj Sinh Dij Giz cujiz haenx, youq Aen Cungsim Hoizguh Denyingj Vah Minzcuz Vunznoix Guengjsae Denyingj Cizdonz cingq miz bouhloh haiguh. Seizneix gaenq guhsat 80% baedauq.

Baez hoizguh denyingj neix dwg

hoizguh denyingj 《Yaengx Fwnghz Hwnjdaej》 youz boux mingzsingh mizmingz Banh Canggyangh, Goz Daz daengj yienj haenx. Hoizguh geizgan, bouxguh hong hoizguh Vahmulauj gak boux guh ndei hong bonjfaenh, ciuq gij saenzcingz, dungeoz, sim naemj vunz ndaw denyingj yungh mbouj doengz singdiuh, fatok mbouj doengz gamjingz. Riengz heiqcingz hwnghat

miz cingzgamj fanhoiz gij daizswz vunz ndaw denyingj, lumj bonjfaenh youq ndaw heiq nei.

Ciuq cam rox, bouh denyingj Vahmulauj neix hoizguh sat caemh-caiq soengq saemjcaz doenggvaq le, yaek youq Lozcwnghz Gvangjbo Densidaiz, Lozcwnghz Denyingjyen, gak hagdangz, mbanj diegcomzyouq Mulaujcu cunzdauc cuengqingj.

Doenggvaq hoizguh denyingj Vahmulauj, yaek caenh'itbough hoenghvuengh hwnghat gij saehnieb vwnzva minzcuz vunznoix, coicaenh hwnjguh vwnzva minzcuz vunznoix caeuq hwnjguh ndawbiengz ginghci dieg minzcuz dox boiqhab hwnghat, gyamaenh gij gizmen ndei minzcuz doxgiet.

(Yangz Swhniz Vuz Cunghsu)